

Roditeljstvo i porodica

Svako, ko ima djecu u Švicarskoj, finansijski je podržan kroz doplatke za djecu i njihovo obrazovanje. Zaposlene žene imaju pravo na porodijski dopust od 14 sedmica.

Nadoknada za porođilje

Žene koje su u radnom odnosu, za vrijeme porođaja imaju pravo da podnesu zahtjev za plaćen porodijski dopust od 14 sedmica (Mutterschaftsurlaub). Za to vrijeme im se isplaćuje najmanje 80 odsto plate. Nezaposlene ili žene koje nisu sposobne za rad, trebale bi se kod Kompensacione blagajne (Ausgleichskasse) informisati o tome da li i one imaju pravo na podnošenje zahtjeva za ovu nadoknadu. U ovim slučajevima postoje posebna pravila. Tokom prvih osam sedmica nakon porođaja majkama nije dozvoljen rad (zaštita materinstva, Mutterschutz).

Dopust za očeve

Nakon rođenja djeteta očevi imaju pravo na dvije sedmice plaćenog dopusta za očeve (Vaterschaftsurlaub). Za razliku od porodijskog dopusta, njihov dopust je fleksibilan: može se iskoristiti odjednom ili u pojedinim danima. Međutim, ovo važi samo u roku od šest mjeseci od rođenja djeteta.

Porodični doplatak

Porodice koje imaju djecu podržane su finansijski doplatcima za porodice (Familienzulage). Oni se isplaćuju za djecu do 16 godina starosti u vidu dječijeg doplatka i za mlade koji idu u školu do 25. godine kao doplatci za školovanje. Pravo na podnošenje zahtjeva imaju roditelji koji rade (takođe i samostalni preduzetnici), ali i roditelji koji ne rade i imaju malo novca na raspolaganju. Osobama u radnom odnosu se ovaj dodatak isplaćuje uz mjesečnu platu. Detaljnije informacije daju poslodavci ili Zavod za socijalno osiguranje. Visina iznosa porodičnog doplatka je različita od kantona do kantona.

Familienmietzinsbeiträge

Porodice sa malo novca mogu pod određenim pretpostavkama podnijeti zahtjev za doprinose za plaćanje svoje stanarine (Familienmietzinsbeiträge). Visina doprinosa zavisi od dohotka i imovine domaćinstva, kao i od visine zakupnine.

Više informacija (linkovi, adrese, brošure, informacioni listovi)

www.hallo-baselstadt.ch/hr/socijalna-sigurnost/roditeljstvo-i-porodica